



Հանրապետական Մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի օգնականների դասավանդման հմտությունների զարգացման ապահովում» ծրագիր

Հետազոտական աշխատանք

Դպրոց՝ <<ՀՀ Տավուշի մարզի Գետահովիտի միջնակարգ դպրոց>>

Թեմա՝ <<Ինչպես արդյունավետ դաս պլանավորել>>

Վերապատրաստող մենթոր՝ Նաիրա Ղազումյան

Ուսուցչ՝ Նաիրա Պողոսյան

2023

Բովանդակություն

Ներածություն.....	3
1.ԻՆՉՊԵՍ ԱՐԴՅՈՒՆԱՎԵՏ ԴԱՍ ՊԼԱՆԱՎՈՐԵԼ	5
1.2 Ուսուցման տաքսոնոմիաներ (աստիճանակարգումներ)	7
1.3 Ուսուցման փուլային բնույթը.....	7
1.4 Ուսուցման պլանավորման չորս կարևոր հարցերը.....	8
1. 5 Դասի տիպերը.....	8
1. 6 Դասի կառուցվածք.....	9
1.7 Դասի պլանավորում	9
1. 8 Նկատառումներ դասապլան կազմելու վերաբերյալ.....	11
ԴԱՍԱՊԼԱՆԻ ՁԵՎԱՆՍՈՒՇ	14
ԵԶՐԱԿԱՑՈՒԹՅՈՒՆ	17
Գրականության ցանց.....	18

Ներածություն

Դասի արտյունավետ պլանավորումը դասավանդման գործընթացում կարևոր գործընթացներից մեկն է, և դրանց ճիշտ օգտագործումը կարող է զգալիորեն բարձրացնել ուսուցման որակը, ինչպես նաև նպաստել սովորողների ներգրավվածությունը դասապրոցեսին:

Դասը մանկավարժական գործընթացի բջիջն է: Մանկավարժության նշանակալի մասը խտանում է դասի մեջ: Այն սովորողների կրթության, զարգացման եւ դաստիարակության խնդիրների լուծման համար հաճախ կիրառվող գործընթաց է, որոշակի ժամանակահատվածում ուսուցիչների և սովորողների գործունեության կազմակերպման ձև: Արդյունավետ դաս անցկացնելու համար նախ և առաջ անհրաժեշտ է ձևակերպել նմապատը և հետո իրականացնել գործողություն օրինակ՝ ուսումնասիրել ինչ-որ թեմա, կատարել գրավոր աշխատանք, ներկայացնել ուսումնասիրած կամ յուրացրած նյութը: Դասի ընթացքում բացահայտված գիտելիքների բաղադրիչները պետք է ապահովեն այս կամ այն ամբողջական խնդրի լուծման որոշակի մասը: Առանձին դասերի կոնկրետ խնդիրները պետք է դիտարկվեն մյուսների հետ փոխկապակցված: Դասի պլանը կազմելիս անհրաժեշտ է հաշվի առնել, որ մտավոր գործունեության ակտիվությունը նյութի հետ ծանոթացմանը համարնթաց ավելանում է, եթե

միաժամանակ աշակերտները կատարում են տվյալ նյութի յուրացմանը օժանդակող առաջադրանքներ, և պահպանվում են հետեւյալ պայմանները՝

- 1) առաջադրված խնդիրը աշակերտներին մղում է որոշակի մտավոր հնարքի կիրառման,
- 2) աշակերտներն ունեն տվյալ առաջադրանքը կատարելու համար անհրաժեշտ գիտելիքներ, եւ տվյալ հնարքի կիրառման հմտություններ,
- 3) տվյալ հնարքը համապատասխանում է նյութի բովանդակությանը, եւ ինչքան շատ է համապատասխանում, այնքան ակտիվացնում է գործունեությունը:

Դասի արդյունավետ իրականացման համար անհրաժեշտ է նաև աշակերտի ակտիվությունը ինչպես նաև հետադարձ կապը, որը կարող ենք իրականացնել հարցադրումների միջոցով, որն էլ իր հերթին բխում է հետևյալ նպատակից՝ պասիվ աշակերտներին դասին ընդգրկել:

Անհրաժեշտ է դասի պլանը կազմել այնպես, որ արդյունավետ պլանավորումը, ազդեցություն ունենան ուսուցման որակի բարձրացման վրա: Դասի պլանավորման արդյունքները պետք է լինեն հստակ, աշակերտը պետք է հասկանա, թե ինչ են իրենից ուզում և ինչպես այն կատարել:

Դասի պլան կազմելիս անհրաժեշտ է առանձնացնել՝ դասի կառուցվածքային տարրեր, ուսուցչի գործունեությունը, աշակերտի գործունեությունը: Անհրաժեշտ է նշել ուսուցման ձևեր և մեթոդները, ուսումնական գործընթացի կազմակերպման ձևերը, ստուգման ձևերը եւ միջոցները, ուսուցչի և աշակերտների գործողությունների հաջորդականությունը:

1.1 ԻՆՉՊԵՍ ԱՐԴՅՈՒՆԱԿԵՏ ԴԱՍ ՊԼԱՆԱՎՈՐԵԼ

Ուսուցման ընթացքում կարևոր է ուսուցչի կողմից դասի պլանի ճիշտ և ժամանակին պատրաստելն է, ինչպես նաև դասի նշումների մշակումը: Դասի պլանը կարևոր է ոչ միայն հաշվետվության, այլև ուսումնական գործընթացի պատշաճ կազմակերպման տեսանկյունից:

Ցանկացած դասի պլան պետք է ունենա թեմա, համապատասխանի հանձնարարված առաջադրանքներին և ունենա ճշգրիտ կառուցվածք: Ըստ դասի առաջադրված նպատակների՝ դասի պլանը կարելի է դասակարգել հետևյալ ենթակետերի.

- Նոր թեմայի ներածություն
- Անմրապնդել նյութը
- Կրկնություն
- Հմտությունների և գիտելիքների կառուցում

Ինչպես ստեղծել դասի պլան

Անկախ դասի թեմայից, նպատակից, ինչպես նաև դասի տեսակից ու տեղողությունից՝ դասի պլանի հիմնական կառուցվածքը մնում է անփոփոխ: Ամբողջական դասի պլանը միշտ պարունակում է.

- դասի վերնագիր
- դասի նպատակների և խնդիրների նկարագրությունը
- դասի մոտիվացիոն մասը
- Եզրակացությունը և ուսումնասիրության արդյունքը
- նաև տնային աշխատանք, որը կարող է լինել կամ չլինել՝ կախված վերը նշված պարամետրերից:

Դասի պլանների տեսակները

Կախված դասարանից, ինչպես նաև ուսուցչի առաջադրած առարկայից և նպատակներից՝ դասի պլանը կարող է տարբերվել, բայց ընդհանուր առմամբ դասի պլանը բաժանվում են մի քանի տեսակների:

Առաջին տեսակը *պլանավորված* պլանն է: Ամենապարզ պլանը, որը կազմված է պատրաստի նյութի հիման վրա, բաժանված է հատվածների և մասերի: Յուրաքանչյուր բաժին ունի վերնագիր և ենթագրեր, որոնք ամփոփում են իր նկարագրած թեման:

Գրառումների երկրորդ տեսակը *սխեմատիկ* պլանն է: Ներկայացվելիք բոլոր թեմաները պետք է ներկայացվեն հարցական նախադասությունների տեսքով, ինչը թույլ է տալիս հստակ ընդգծել թեմայի առավել համապատասխան մասերը: Յուրաքանչյուր թեմա ներկայացված է բավականին հակիրճ՝ ընդամենը մոտ երկու-երեք նախադասություն:

Երրորդ տեսակը տեքստային է: Տեքստայինը առավել հարմար է դասի պլան կազմելու համար, որտեղ գերակշռում է տեքստային բաղադրիչը, մասնավորապես, դրանք կարող են լինել մարդասիրական առարկաներ, գրական դասեր, որտեղ էական դեր են խաղում հեղինակների մեջբերումներն ու աֆորիզմները:

Ուսուցման պլանավորումը ենթադրում է ոչ միայն դասերի պլանավորում, այլև ուսումնական գործունեության պլանավորում առավել ընդհանրական մակարդակով: Այդ առումով ստորև ներկայացվում են պլանավորմանն աջակցող մի շարք գործիքներ: Օրինակ՝ ուսումնառության դիտարկված արդյունքների կառուցվածքը (ՈՒԴԱԿ) շատ օգտակար գործիք է, եթե ուսուցիչը ցանկանում է ուսուցումը կառուցել փոքր գաղափարից ավելի ընդհանուրը տանելու մոտեցմամբ: Բլում-Անդերսոնի աստիճանակարգումը օգտակար է, եթե ուսուցիչը ցանկանում է ուսումնական գործընթացը տրոհել մասերի:

Այս հատվածում ներկայացվում են նաև այլ գործիքներ:

1.2 Ուսուցման տաքսոնոմիաներ (աստիճանակարգումներ)

Վերջին տասնամյակներում կրթության ոլորտում մեծ տարածում են գտել տաքսոնոմիաները: Դրանք նպատակ ունեն զանազանելու ուսուցման տարբեր մակարդակներն ու ուսուցիչներին և ուսումնական ծրագրեր մշակողներին օգնել ուսուցումն ավելի բազմազան դարձնելու և սովորողների մոտ տարբեր մակարդակի հմտություններ ու կարողություններ զարգացնելու հարցերում:

Տաքսոնոմիաները կարելի է բաժանել վերլուծականի և համադրականի: Վերջինիս դեպքում ուսուցիչը աշակերտներին գիտելիք է մատուցում մասնավորից դեպի ընդհանուրը գնալով: Իսկ վերլուծականի դեպքում իմացությունը բաժանվում է մասերի, և ուսուցումը կատարվում է յուրաքանչյուրի զարգացման ուղղությամբ:

1.3 Ուսուցման փուլային բնույթը

Շատ կարևոր է ուսուցման փուլային պլանավորումը: Մենք հաճախ մտածում ենք, որ ուսուցումը տեղի է ունենում գիտելիքի փոխանցում-գիտելիքի յուրացում մեխանիզմով: Մինչդեռ իրականում սովորելու գործընթացը փուլային է: Եվ ուսուցումը տեղի է ունենում աստիճանական ձևով: Այս առումով ներկայացնենք ուսուցման փուլային մի քանի տաքսոնոմիաներ: Դրանք օգնում են ուսուցիչներին ուսուցումը տանել իմացության ցածր մակարդակից մինչև վարպետության բարձր մակարդակ: Այդպիսի աստիճանակարգում է, օրինակ, Միլլերի աստիճանակարգումը:

Միլլերի աստիճանակարգումը Հայաստանում մեծ տարածում չունի: Բայց այն շատ կարևոր է գիտելիքը վարքագիծ դարձնելու առումով: Առաջին մակարդակում սովորողը պարզապես գիտի: Գիտենալը ուսուցման հիմքն է: Բայց սա բավարար չէ: Կարևոր է գիտելիքը օպերացիոն դարձնելը: Այս առումով երկրորդ մակարդակում սովորողը պետք է գիտելիքը գործողության մեջ դնի և իմանա՝ ինչպե՞ս, այսինքն՝ հասկանա: Երրորդ մակարդակում սովորողը պետք է կարողանա ցույց տալ՝ ինչպե՞ս: Վերջապես չորրորդ մակարդակում պետք է կարողանա կիրառել: Եթե ուսուցման

գործընթացում սովորողն անցնի չորս փուլերով, ապա կարելի է ասել, որ նա լիարժեք սովորել է նյութը:

1.4 Ուսուցման պլանավորման չորս կարևոր հարցերը

Մեկ այլ հետաքրքիր մոտեցում է հարցերի միջոցով ուսուցման փուլերի պլանավորումը: Ուսուցիչը պլանավորման գործընթացում պետք է պատասխանի 4 հարցի:

- Ի՞նչ պետք է անի ուսուցիչը դասին նախապատրաստվելիս կամ ընթացքում:
- Ի՞նչ պետք է անեն ուսուցիչն ու աշակերտները միասին:
- Ի՞նչ պետք է անեն աշակերտներն իրար հետ՝ առանց ուսուցչի միջնորդության:
- Ի՞նչ պետք է անի յուրաքանչյուր աշակերտ ինքնուրույն:

Այս հարցերին պատասխանելը հնարավորություն է տալիս պլանավորելու դասը, որի ընթացքում տեղի են ունենում ուսուցողական տարբեր գործընթացներ:

Հարկ էմ համարում անցում կատարել նաև դասի բաղադրիչներին:

1.5 Դասի տիպերը

Դասը դասակարգում են ըստ դիդակտիկ նպատակների, գիտելիքների կազմակերպման նպատակների, դասի անցկացման միջոցների և բովանդակության, ուսումնական գործընթացի հիմնական փուլերի, դասի ընթացքում լուծվող դիդակտիկ խնդիրների, դասավանդման մեթոդների և սովորողների կրթական գործընթացի կազմակերպման միջոցների: Այս տեսանկյունից առանձնացվում են դասի հետևյալ տիպերը՝

1. Նոր ուսումնական նյութի յուրացման դաս
2. Գիտելիքների, կարողությունների և հմտությունների կատարելագործման դաս (յուրացված նյութի նպատակային կիրառություն)
3. Ընդհանրացման և համակարգման դաս

4. Համակցված դաս
5. Գիտելիքների, կարողությունների և հմտությունների շտկման և վերահսկման դաս

1. 6 Դասի կառուցվածք

Ուսումնառության ընթացքում առաջացած և ուսումնական գործընթացի նպատակային առաջընթացն ապահովող տարերի տարաբնույթ փոխազդեցությունների համագումարը կոչվում է դասի կառուցվածք:

Դասի կառուցվածքային փուլերն են՝

1. Կազմակերպչական
2. Տնային առաջադրանքի բազմակողմանի սդուգում
3. Գիտելիքների կարողությունների և հմտությունների բազմակողմանի ստուգում,
4. Նոր նյութի ակտիվ և ըմբռնումով յուրացնելուն միտված նախապատրաստություն
5. Նոր գիտելիքների յուրացում
6. Նոր նյութի ըմբռնման ստուգում: Նոր գիտելիքների յուրացում
7. Նոր նյութի ամրապնդում
8. Տնային առաջադրանքի հանձնարարում, իրականացման մեկնաբանում,
9. Դասի ամփոփում

1.7 Դասի պլանավորում

Արդյունավետ դասավանդման կարևոր նախապայման է դասին հանգամանալից նախապատրաստվելը: Սա ենթադրում է նյութին մանրամասն և բազմակողմանիորեն ծանոթանալը և դասի ողջ ընթացքը մոդելավորելը: Թեմայի

ընտրությունից հետո դասի պլանավորումը կարելի է տրոհել հետևյալ հաջորդական քայլերի՝

- **1-ին քայլը** դասի նպատակի հստակ գիտակցելն է. ու՞ր ենք ուզում հասնել, ի՞նչ ուղիով, ի՞նչ միջոցներով: Նպատակի և դրանից բխող խնդիրների ձևակերպման հարցում ուսուցիչը պետք է օգտվի առարկայական չափորոշային պահանջներից և ուսումնական ծրագրի «Թեմայի ուսումնասիրությունը սովորողին հնարավորություն է տալիս» բաժնից: Ձևակերպված խնդիրների իրականացումից հետո աշակերտի ձեռք բերած գիտելիքներն ու կարողությունները պետք է բավարարեն առարկայական չափորոշիչի պահանջներին (Ա, Բ, Գ մակարդակներ և արժեքային համակարգ): Բացի այս նորմատիվային պահանջներից, ուսուցիչը պետք է տեսնի նաև տվյալ դասի իրատեսական հնարավորությունները, կիրառելիությունն ու իր մեջ պարունակող դաստիարակչական տարրերը նաև միջառարկայական կապի տարրերը:
- **2-րդ քայլը** սովորողների նախագիտելիքների ախտորոշումն է: Սա շատ կարևոր է, քանի որ ամեն մի մատուցվող նյութը հիմնվում է նախկինում ստացված գիտելիքների ու կարողությունների վրա և պիտի համապատասխանի տվյալ դասարանի ընդհանուր մակարդակին: Ախտորոշումը իրականացվում է նախորդ դասերի ընթացքում դիտման մեթոդի կամ հարց ու պատասխանի միջոցով: Եվ անհրաժեշտության դեպքում նախորդ դասին իսկ կարելի է հիմքեր դնել տվյալ դասի համար:
- **3-րդ քայլը** ուսուցչի կողմից ակնկալիքների ու սպասումների ճշգրտումն է, ինչպես ընդհանուր դասարանից, առանձին խմբերից, այնպես էլ ամեն մի աշակերտից:
- **4-րդ քայլը** դասի խնդիրներից ելնելով համապատասխան մեթոդի ընտրությունն է:
- **5-րդ քայլը** դասասենյակի համապատասխանեցումն է տվյալ դասի ընթացքից բխող պահանջներին: Ուսուցիչը պետք է դասավորի բոլոր այն նյութերը, որոնք օգտագործվելու են տվյալ դասին, այդ թվում նաև ուսումնական նյութերը,

համոզվի, արդյոք սարքին են անհրաժեշտ տեխնիկական միջոցները և ցանցային սարքավորումները, բավարար է ծրագրային ապահովումը:

- **6-րդ քայլը** գնահատման ձևի ընտրություն, չափանիշների ճշգրտումն ու մշակումն է:
- **7-րդ քայլը** ժամանակի բաշխումը՝ ըստ փուլերի:

Այս ամենի մասին նախօրոք հոգալը ուսուցչին լրացուցիչ վստահություն կներշնչի, կնպաստի դասի հարթ ընթացքին և ժամանակի արդյունավետ տնօրինմանը: Առաջարկվող հարցերի պատասխանները, կօգնեն ուսուցչին ավելի հստակ գնահատել դասին իր պատրաստ լինելը և բարելավել դասի պլանը:

- Որքանո՞վ են իմ ակնկալիքներն ու սպասումներն իրատեսական:
- Ինչպե՞ս կարող եմ համոզվել, որ աշակերտները պատրաստ են կատարել վարժությունը կամ քննարկել նյութը:
- Ինչպե՞ս պետք է կառուցեմ առաջադրանքը:
- Որքանո՞վ են իմ ակնկալիքները իրատեսական ժամանակի առումով:
- Ինչպե՞ս գնահատել աշակերտների ձեռք բերած գիտելիքները և հմտությունները:
- Ի՞նչ եմ ուզում, որ աշակերտները զգան /ինչպիսի՞ վերաբերմունք եմ ուզում ձևավորել/:

1. 8 Նկատառումներ դասապլան կազմելու վերաբերյալ

Յուրաքանչյուր թեմայի ուսուցման ընթացքում, ինչպիսի մեթոդ էլ կիրառելիս լինի ուսուցիչը, հնարավորինս պետք է խուսափի միօրինակ ստանդարտ դասապլանից:

Պարտադիր չէ, որ դասապլանը կազմվի համապատասխան մանրամասներով կամ քայլ առ քայլ նկարագրելով: Ուսուցչի համար է դասապլանը, և նա կարող է հակիրճ գրառել հիմնական քայլերը, բայց օրինակելի ուսուցում կազմակերպել: Բացի

դրանից, կլինեն դասեր, որտեղ ուսուցիչը 1–2 ուսումնական նպատակ է հետապնդելու, և կարիք չի լինի դասապլանի՝ ընդունված բոլոր քայլերով ընթանալ ու շեղվել հիմնական նպատակից: Այսուհանդերձ, խորհուրդ է տրվում դասի հիմնական փուլի՝ ուսումնառության ընկալման հարցում ուսուցիչների ուշադրությունը հրավիրել մի քանի կարևոր քայլերի վրա, որոնք խիստ անհրաժեշտ են և նպաստելու են աշակերտների կողմից *հետազոտությունը* խթանելու, *բովանդակությունը* յուրացնելու և այն օգտագործելու համար:

Արևմուտքի մանկավարժները բուն ուսումնառության ընթացքը ներառում են հինգ կարևոր տարրերի մեջ. դրանք խորհուրդ է տրվում նկատի ունենալ տարբեր թեմաների, տարբեր մեթոդների կիրառման ընթացքում:

- **Ներգրավում.** մեզ ծանոթ խթանման փուլն է, որ ուսուցիչը մշտապես պետք է նկատի առնի: Այստեղ կարևորը աշակերտների հետաքրքրությունն արթնացնելն է և դասը նրանց գիտելիքների ներկա մակարդակից սկսել: Աշակերտները պատկերացնում են, թե ինչ են անելու դասի ընթացքում:
- **Հետազոտությունը.** սա դասապլանի ամենահիմնական փուլն է. աշակերտներն աշխատում են խմբերով և ուսումնասիրում են հիմնական առաջադրանքը, իսկ ուսուցիչն օգնում է, հանդես է գալիս ուսումնառությունը կազմակերպողի դերում: Դասաժամի հիմնական մասը հատկացվում է այս փուլին:
- **Բացատրություն.** այս փուլում ուսուցիչը բացատրություն է տալիս աշակերտների հարցերին և լսում նրանց բացատրությունները: Ուշադիր պիտի լինի բոլորի մասնակցությունն ապահովելու և հատկապես հետ մնացողներին հետևելու համար: Այս փուլում է գիտելիքը «կառուցվում»: Այստեղ կարելի է ընդգրկել հիմնական հարցադրումներ և հնարավոր պատախաններ, քայլեր՝ ուղղված գիտելիքի համատեղ կառուցմանը, հմտությունների մշակմանը:
- **Բովանդակության կատարելագործում.** այս կարևոր փուլում մշակվում, ավարտվում է բովանդակության ընկալումը, նոր գիտելիքի ձեռքբերումը, դասապլանի նպատակը ավարտին է հասցվում: Այստեղ կարելի է ներառել գործընթացային հմտություններ, վարժություններ կկատարեն, որոնք կօգնեն աշակերտներին ավելի հեշտությամբ ըմբռնելու և բավարարելու ուսումնառության պահանջները:

- **Արժևորում.** այս փուլը սովորաձի, գիտցածի գնահատումն է, դրսևորումը, կարևորությունը հասկանալն ու դասի ընթացքի զգացում ձեռք բերելը: Եթե ուսուցիչը խնամքով դասապլան է մշակում և մտածում դրա նպատակների մասին, ապա արժևորումը, բնականաբար, հաջորդ քայլն է: Այն վարժությունները, որ կատարում են աշակերտները, ուսուցչին հնարավորություն են տալիս պատասխանելու, թե ինչ իմացան աշակերտներն իր նպատակների մասին, և ինչպես երևաց դա: Արժևորումը հենց դրսևորվում է ուսուցչի ընտրած նպատակի և այն գործառույթների, վարժությունների մեջ, որ կատարում են աշակերտները: Նպատակներին համապատասխան վարժություններ ընտրելը ուսուցչի կարևոր խնդիրներից մեկն է. նա պետք է իմանա, թե ինչ սովորեցնի և թե ինչպես կարելի է լավագույնս սովորեցնել: Ուսուցչի *պլանավորման* արժևորումը աշակերտի ուսումնառության արժևորումն է:

Դասի ավարտին պետք է չտապել, անհրաժեշտ է հետ գնալ, հետադարձ հայացք զցել դասավանդման բովանդակության ու սովորողների փոխազդեցությունների վրա: Դա կօգնի կողմնակի աչքով նայել կատարված աշխատանքին և նկատել բացթողումներն ու թերացումները, պլանավորել հետագա աշխատանքները:

Նշված նկատառումներն ու խորհուրդները ևս պարտադիր կադապար չեն կարող լինել դասապլանի համար: Ուսուցիչն ազատ կարող է իր թեմայի համար համապատասխան դասապլան մշակել, կարևորը նպատակադրումն ու նպատակին հասնելու միջոցներ, ճանապարհներ, մեթոդներ ու հնարներ ընտրելն ու օգտագործելն է, կարևորը չափորոշիչներով, ծրագրով սահմանված արդյունքին հասնելն է: Մեթոդն ու հնարը ծնվում են շատ դեպքերում հենց ուսուցման ընթացքում, դասի ժամանակ, ուսուցիչն է ծնունդ տալիս ուսուցման եղանակին, միջոցին: Դա ստեղծագործաբար աշխատող, խոհեմ ու բանիմաց ուսուցիչն է:

ԴԱՍԱՊԼԱՆԻ ՁԵՎԱՆՍՈՒՇ

Ուսուցիչ	Ն.Պողոսյան
Դասարան	9-րդ դասարան
Ամիս, ամսաթիվ	20.09.23
Առարկա, դասի թեմա	Գրականություն, Առասպել, վիպերգ, էպոս
Դասի տիպը	Գիտելիքների, կարողությունների և հմտությունների կատարելագործման դաս
Դասի կառուցվածքը	Գիտելիքների, կարողությունների և հմտությունների ամրապնդման և զարգացման դաս
Դասի նպատակները	<p>Տեքստի ընկալում-խորացնել պատկերացումը տեքստում պատկերված ազգային ինքնագիտակցման և արժեհամակարգի, ժամանակաշրջանի, պատմության, հերոսական պատումի մասին</p> <p>Տեքստի ուսումնասիրում-ձևավորել գիտելիքներ հեղինակի կյանքի, տեքստի վրա հեղինակի կենսագրության և ապրած ժամանակաշրջանի ազդեցության, տեքստի բառապաշարի, ոճի, կառուցվածքի, ժանրային առանձնահատկությունների, դիպաշարի, լոնֆլիկտի մասին:</p> <p>Տեքստի ստեղծում-նպաստել ստացած ֆիտելիքը հիշողությամբ և սեփական խոսքով բանավոր կամ գրավոր կերպով վերարտադրելուն, խաղի հնարավորության դեպքում՝ ժամանակակից տեխնոլոգիաների կիրառմամբ մեկնաբանելուն</p>
Խնդիրները	Ընդգծել գլխավոր գաղափարն արտահայտող նախադասությունը, մեկնաբանել
Մեթոդները	Հարցուպատասխանի մեթոդ
Ձևավորվող կարողությունները	Սովորել սովորելու կարողությունները, լեզվական գրագիտություն և կարողություն, մշակութային, մաթեմատիկական

<p>Խաչվող հասկացություններ</p>	<p>Պատճառ և հետևանք-դիպաշարի, գրական կերպարի զարգացումը:</p> <p>Կառուցվածք և գործառույթ-գրական սեռերը, ժանրերը</p> <p>Անհատական և մշակութային արժեհամակարգ-գրողի կողմից օգտագործված բառապաշարը՝ միջավայր, տրամադրություն, կերպար արտահայտելու նպատակով, ստեղծագործության գաղափարը:</p> <p>Ժամանակ և տարածություն-գրողի կենսագրությունը, ժամանակաշրջանը, միջավայրը, գաղափարների արդիականությունը և ժամանակագրությունը:</p>
<p>Միջառարկայական կապեր</p>	<p>Հայոց լեզու-բառապաշար, խոսքի կաղապար և մտածողություն:</p> <p>Պատմություն-պատմական ակնարկ հեղինակի կենսագրությանն ու ստեղծագործությանն առնչվող ժամանակաշրջանի մասին:</p> <p>Հասարակագիտություն-դրական ու բացասական կերպարների երևույթների, արարքների սահմանումը ստեղծագործության մեջ:</p> <p>Արվեստ-ստեղծագործությանն առնչվող պատկերներ, նկարազարդումներ, մեղեդիներ և այլն:</p>
<p>Անհրաժեշտ սարքավորումները</p>	<p>Դասագիրք, օժանդակ նյութ, տետրեր գրիչներ, գրատախտակ, ավիճ:</p>
<p>Դասի ընթացքը</p>	<p>Նախապատրաստական մասում կատարել հաշվառում, խթանման նպատակով կազմակերպել 17 բանավոր հարցուպատասխան:/15ր/ Այնուհետև անցնել դասի հիմնական մասին՝ վարժությունների միջոցով նյութի ամրապնդմանը: Քայլ 1-բացահայտել նախատեսված աշխատանքի նպատակը:/5ր/</p>

	<p>Քայլ 2-վերարտադրել առաջադրված նյութի կատարման համար անհրաժեշտ գիտելիքները, կարողությունները և հմտությունները:/10ր/</p> <p>Քայլ 3-դուրս գրել անձանոթ բառերը, ընդգծել գեղարվեստական խոսքի պատկերավորման միջոցները:/5ր/</p> <p>Քայլ 4 – ստուգել կատարված աշխատանքները:/5ր/</p> <p>Քայլ 5 – քննարկել , ուղղել սխալները և գնահատել:/5ր/</p> <p>Քայլ 6 –հանձնարարել տնային առաջադրանք:/5ր/</p>
Գնահատում	Ուսուցիչը լրացուցիչ հարցուպատասխանի արդյունքում դասամատյանում կնշանակի գնահատականներ
Վերջնարդյունք	<p>Մեկնաբանել հեղինակի կենսագրությունը, ապրած ժամանակաշրջանը:</p> <p>Վերլուծել՝ ինչ կերպ է արտահայտվում տեքստում պատկերված ժամանակաշրջանը, միջավայրը, բառապաշարի, դիպաշարի, կոնֆլիկտի, ժանրի կառուցվածքի առանձնահատկությունները:</p> <p>Որոշել տեքստի գլխավոր և երկրորդական գաղափարները:</p> <p>Բացահայտել գրական կերպարի կամ հերոսի առանձնահատկությունները:</p> <p>Առժեվորել հեղինակի ապրած կյանքը:</p> <p>Հիմնավորել սեփական տեսակետը:</p> <p>Վերլուծել գրական երկը՝ ընդգծելով դրա առդիականությունը:</p>

ԵԶՐԱԿԱՑՈՒԹՅՈՒՆ

Ամփոփելով կատարած աշխատանքը կարող ենք ենթադրել որ, դասի ճիշտ կազմակերպումը սկսվում է դասի համար կազմված պլանից, որում արտացոլվում են դասի ընթացքում կատարվելիք բոլոր գործողությունները: Դասի յուրաքանչյուր բոլոր պետք է օգտագործվի, որպեսզի հնարավոր լինի արդյունավետ դարձնել ուսուցումը: Դասերը կարող ենք դասակարգել ըստ ուսուցման գործընթացը կազմակերպող դիդակտիկական նոր համակարգերի (ըստ պրոբլեմային ուսուցման, ըստ ծրագրավորված ուսուցման, ըստ անհատականացված ուսուցման և այլն):

Ես փորձեցի վեր հանել դասապլանի կազմման մանրամասները և մանրամասնորեն խոսեցի այն մասին, թե որ դետալը ինչի համար է անհրաժեշտ: Արդյունքում եկա այն եզրակացության, որ դասապլան գրելը, բավականին կարևոր լինելուց բացի, նաև անհրաժեշտ է, որովհետև այն բավականին հեշտացնում է ուսուցչի աշխատանքը, մանավանդ այն դեպքում, երբ ուսուցիչը արդեն գիտակցաբար է գրում դասապլան և կարողանում է ճիշտ օգտվել արդեն պատրաստի կադրապարներից և ճիշտ հարմարեցնել իր օրվա դասանյութին:

Գրականության ցանկ

1. Ամիրջանյան Յու.Ա., Սահակյան Ա.Ս.,- Մանկավարժություն
2. Խաչատրյան Ս. / Ուսուցման արդյունավետ հնարներ-Եր.: Ֆրիդրիխ Էբերտ հիմնադրամ, Հայաստան 2020.
3. <https://uteach.io/ru/articles/plan-uroka-kak-pravilno-ego-sostavit>